

tus, namq; & apud ipsos valet istud antiquum, Ουδεις ἀγεωμέτρης  
είσιτω, & Horatianum (11) illud,

Non cuivis homini contingit adire Corinthum.  
Stulti sæpius parentes, hisq; stultiores adolescentes, à divitiis & ho-  
noribus, quibus inhiant, professionem studii Juridici æstumant &  
inchoant, quum contrà à studio & cognitione ejus sedulâ ac diutur-  
nâ omnes Ulpiani, Papiniani & Bartoli, gradu tamen vel maximè  
lento ac tardo, fuerint progressi. Sed ita est, *Sudores & vigilia in oc-  
culto sunt, Honores verò & opes etiam publicos oculos feriunt, illa pro de-  
relieto habentur, hæc sudores sunt & illecebra, sed reverà inebra.* Recordor  
me olim (12) scripsisse, ac, licet classicus quidem non sim, scripsisse  
verè, Maxima res, verus Jurisconsultus, haberi  
non satis est, ni sit.

Proinde etiam abrumpro, & veniam mihi dari postulo, de Jure Re-  
lato ad ipsas J Ctorum cathedras & subsellia vos remittenti, nam *lu-  
dicia illa, Quæstiones, Probationes, Actiones,* (vah! quantum pelagus!  
quanti vortices atq; voragines!) me absterrent, quæ nec nostra hæc  
capit pagina, nec theoria umbratica comprehendit.

MEDICI-  
NA.

Ad Medicinam simul & ad finem propero. Est ea *ars bene curandi  
valetudinem corporis, imprimis humani,* quam optimam ejus definiti-  
onem judicat *Alstedius*, quod omnibus Medicinæ partibus aptari  
possit: quamquam non sit diffidendum, explicatiorem esse eam,  
quam dedit Excellentissimus *Sennertus*, quod Medicina sit *ars sani-  
tatem hominis presentem conservandi, amissam verò instaurandi.* Ars  
verè regia & scientia illustris, nam uti omnes Horatio (13) credimus,  
Si ventri bene, si lateri est, pedibusq; tuis, nil  
divitiæ poterunt regales addere majus.

Unde & *Sirachi filius* (14), magnæ inter Judæos & Christianos auto-  
ritatis scriptor, in eo totus est, ut Medicum & Medicinam in loco  
ponat illustrissimo, *Honora Medicum, inquit, digno munere, ut ut aris eo  
in necessitate, nam Dominus eum creavit, & medicina ab Altissimo exor-*

(11) Epist. 17. v. 38. Ου παντος ανδρος ες Κορινθον εσ' ο πλεον. (12) in lessu  
funebri D. Eliæ Zeetschii. (13) lib. I. Epist. 12. v. 5. (14) cap. 38, v. 1. seqq.